



UNIVERSITÄTS-
BIBLIOTHEK
PADERBORN

Variorum In Europa Itinerum Deliciae

Chyträus, Nathan

[Herborn], 1599

VD16 C 2803

Ticinensia. In Ticinum J. Cæsar Scaliger.

[urn:nbn:de:hbz:466:1-70708](https://nbn-resolving.org/urn:nbn:de:hbz:466:1-70708)



TICINENSIA.
IN TICINUM J. CÆSAR
SCALIGER.

*Qua citus Eridani ditat Ticinus arenas,
Gratus honoratas hospitis hospes aquas:
Lux studiorum ingens: regum pulcherrima sedes,
Signat inexhausti jugera plena soli.
Devicta Italia, reliquis volueret relictis
Magnanimi hac potius parte sedere Duces.
Pace tua, Hesperia alma parens, hæc dixero: quanta es?
Quanta ve sum? totum es: pars tamen una placet.*

INSCRIPTIONES.

IN FRANCISCI.

Baldus editiorem sortitus locum, hic octo & decem supra centum annis obdormierat. M. D. XIX.

IN NOVO MONUMENTO EPITAPHIUM
Baldi J. C. clariss.

*Vita, labor, studium, divini cultus amoris,
Artes natura, regis fulgentia dicta,
Legales norma, pastorum calica jura
Ornant Baldi animam, qua pandent dogmata clara.
Quisquis nunc linquit mortalia pondera carnis,
Dulcia jam gestans auctoris pascua sumit.
Conditur hic Baldus, Francisci tegmine fultus,
Doctorum princeps, Perusina conditus arce.*

Obiit 1400. die 28. April. in aurora.

ALIUD EJUSDEM.

*Filius Astræ, morum pater, artis alumnus
Cæsareæ, verus religionis honos.
Baldus Perusii ducens cognomen ab urbe,
Clauditur hic, animam sidera summa tenent.*

TICINENSIA.

FRANCISCI CURTII.

*Sacrarum interpres legum, sanctissimus olim
Franciscus, patria gloria magna sua.
Quem probitas, quem cana fides, pietasq; decorum
Fecerat, hoc positum marmore corpus habet.*

Obiit 1495. 3. Julii. Bernardinus Curtius gratus filius fieri iussit.

ALIUD.

Luitpardus Longobardorum Rex inclytus, obtranslatum D. Augustini corpus, templum hoc simul & Abbatiale coenobium religiosè inibi degentibus, cum dote instauravit. Anno DCC. XVII. *Infra*. Hic jacent ossa Regis Luitprandi.

EPITAPHIUM ALCIATI, IN
ade D. Epiphani.

D. M.

Andræ Alciato, Mediolanensi J. C. Comiti, Proto-
tario Apostolico, Cæsareoq; Senatori, qui omnium do-
ctrinarum orbem absolvit, primus legum studia antiquo
restituit decori. Vixit ann. LVII. mens. VIII. d. IV. Ob-
pud. Id. Januarii, anno M. D. L. Franciscus Alciatus J. C.
A. B. M. P.

Ad sinistram: μηδὲν ἀνακαλλόμενος.

Ad dextram: ἀνδρὸς δικαίου κέρπος ἐν πολλοῖσι.

ALIUD.

Christophoro Truchses, sacri Rom. Imp. hæreditario
Dapifero, Baroni in Walpurg, Trib. milit. Cæs. in expedi-
tione Africana ornamentis Equitis donato, D. Caroli V.
Imp. manu.

*Austriacum in Turcas bellum, Caroliq; triumphum,
Tunisia fauces salsaq; stagna maris,
Virtutis monumenta tua immortalia præstant,
Corporis hic tantum stat fugitivus honos.*

Otho Gymnasiarcha Fr. cariss.

M. D. XXXV.

AD

AD ARAM.

*Si miraris opus, tantiq; hac signa decoris;
Qualia sidereis sedibus esse putas?*

EXTRA URBEM AD JACOBI

Jasonis J. C. tumulus.

Jason Mainus Jurecōsultus, Eques & Comes, quisquis ille fuerit, hic requiescit.

*Materia vincor. & tu vis ire viator,
Expeditam jacet hic ille Maynus. abi.*

EPITAPHIUM FRANCISCI BORSANI
nepotis Petrarchæ, infantis.

*Vix mundi novus hospes eram, vitaq; volantis
Attigeram tenero limina dura pede:*

*Franciscus genitor, genitrix Francisca, secutus
Hos, de fonte sacro nomen idem tenui.*

*Infans formosus, solamen dulce parentum;
Hinc dolor. hoc uno fors mea lata minus.*

*Cætera sum felix, & vera gaudia vita
Nactus, & aeternæ tam citò, tam facilè.*

*Sol bis, luna quater flexum peragraverat orbem,
Obvia mors, fallor, obvia vita fuit.*

*Me Venetùm terris dedit urbs, rapuitq; Papia.
Nec queror. hic calo restituendus eram.*

IN ACADEMIA.

Quæ pater Wilhelmus, S. R. Imperii hæreditarius Dapifer, Baro in Waldpurg, cum hujus Academiæ Rector esset, gentilitia insignia facienda curaverat; Otho filius, in eodem magistratu post ann. xxxvi. restaurari jussit. Anno Dom. 1535. Scholares Acad. tum habebat 500. ex his Jurisprud. Studiosos 350.

IN MONASTERIO CARTHU-
sianorum.

Joannes Galeacius Vici Comes, Magni Matthei pronepos, sub Galeacio patre ad magna institutus, rem militarem primus in Italiam reduxit, bellator indefessus, suo

auspicio, & aliorum ductu, barbaros & hostiles exercitus, sive injurias ulcisceretur, sive socios & amicos defenderet, sive regni fines ampliaret, occidione devicit. Regum generatque socer, affinitates, amicitiam & societatem cum potentiss. Regibus junxit; Religionem Dei amplexus, collapsa templa restituit: nova magnificè & opulenta extruxit; Hierosolymis sacellum & aras erexit: domi & bello disceptator prudens, justus, magnificus, Papiæ Scholas, cujuscunque scientiæ Doctoribus annua salaria instituit: arces, partim * partim situ & natura validas munitiores, alias manu & opere inexpugnabiles fecit, gentes omnes á mari Tyrrheno ad Venetorum usque littora sub fidem & imperium redegit, ex gubernatore regni dominus & Dux creatus, ad excelsa rerum humanarum fastigia viam affectabat, nisi in Italię jacturam fata intercessissent. Constituit moriens cor Viennam Allobrogum, reliqua intestina ad Gallæcos deportari, & in ædibus divorum Jacobi & Antonii, ossa veró in cœnobio Carthusiensium juxta Papiam condi testamento jussit. Vixit annos 47. m. 10. d. 19. Obiit 1402. Mediolani. Regnavit annos 24.

A L I U D.

Jo. Galeacio Vici Com. Duci Mediol. primo, ac priori ejus uxori, Carthusiani memores gratiq; posuerunt. M. D. LXII. die 22. Decemb. Vixit annos 47. m. 10. d. 19. Obiit M. CCCC. II. Regnavit annos 24.

AD SIMULACRUM DEI PARÆ.

*Corpus virgineum Christi spectator adora,
Victima qui pro te sanguinolenta fuit.
Hic tibi vitalis liquor est pręgrator illo
Nectare, quod veteres antè bibere patres.*

AD AUGUSTINI.

Michaëli Zieglero patritio Suevo. Qui plurimis cüm Germaniæ & Galliæ, tum Italiæ civitatibus peragratis, ob præclaras animi ingeniiq; dotes multorum gratiam conciliaverat, demum hoc Ticinensi Gymnasio adeó in omni virtutum genere excelluerat, ut non minús in Philo-
sophia

sophia quàm in Jurisprud. atq; in Musicæ modulis flo-
ret. quiq; cum in Syrii ardoribus æstus leniendi causa Ti-
cino amni natans se credidisset; ejus vorticibus involu-
tus, diem obiit. Anno 1564. Non. Quint. æt. suæ xxxvii.
Jo. Corradus Cotvitz, cui flebile desiderium reliquit, so-
cius socio carissimo atq; opt. merito mœstiff. P.

*Suevia me genuit, rapuit Ticinus, habet nunc
Urna brevis. calidis te lave lector aquis.*

A L I B I.

Tegitur hoc lapide Joach. Curtius J. C. patriæ decus,
vitæ speculum, pacis amator, præcipuus vitiorum osor.
1502. 3. Novemb.

A D C A R M E L I T A S.

Hieronymo Tornello Jureconsulto maximo, quem ad
intimam arcanamq; Juris sapientiam enucleandam, & ad
totius exemplum sanctitatis & justitiæ, natura pepererat,
hæredes Opt. M. mœstiff. ad tempus pp. Vixit annos LXX.
Obiit anno M. D. LXX. x. Cal. Novemb.

*Credite nunc vati augusto posse aquora claudi.
Cum quicquid legum est, hac brevis urna tegat.*

A L I U D.

N. Ripæ Jureconsult. primi nominis Senat. Duc. Com.
Palat.

Helis Gentilis uxor, & sex liberi.

*Hoc hospes potes estimare saxo,
Humani nihil esse non caducum.*

A L I U D.

Vita bonum mendax. longo dignissime seculo,

Hic tegit extinctum te Nicoline lapis.

*Heu quantos Ticino luctus lacrymasq; relinquis,
Interpres legum consiliq; pater!*

A D C E R T O S A M.

Jo. Galeacio Vici Comiti Duci Mediolan. i. ac priori

P

ejus uxori, Carthusiani memores gratiq; P. P. An. 1562. a.
d. xx. Decemb.

Tituli rerum ab eo gestarum.

1. Imperio auspicioq; suo hostiles exercitus debellat.
2. Præturam militarem à patre accipit.
3. Finibus prolatis Dux Mediolanensis ab Imp. Wenceslao creatur.
4. Papiæ liberalium artium scholas exstruxit.

AD CARMELITARUM.

Reverend. Carmelita D. Archangelus Lafraconus Papiensis, infula Theologorum redimitus, Ticinensi Gymnasio vivens legit, legens obiit. legebat ut doceret, sciebat ut bene ageret. Anno M. D. LXV. VII. Cal. Decemb.

IN FRANCISCI.

Tegitur hoc lapide Luchinus Curtius Juriscons. patriæ decus, vitæ speculum, pacis amator, præcipuus vitiorum malleus. Ob. M. D. II. III. Novemb.



B O S C I.

AD S. CRUCIS.

Pius v. Gislerius Boschensis, ex ordine Prædicatorum Pont. Opt. Max. à fundamentis erigi curavit. An. 1574.

IBIDEM.

Pius Papa v. Boschensis, ex familia Gisleriorum oriundus, ordinem Prædicatorum professus, diem mortis universalisq; resurrectionis præ oculis habens, à die assumptionis suæ ad apicem Apostolatus, monumentum istud erigi mandavit, pro cadavere suo reponendo, quomodo divinæ clementiæ visum fuerit, ipsum ab hoc seculo nequam eripere.